


مکملہ ادبی و سیاسی رسالہ اسبوعیہ در

۳۰ نجی سنہ



۵ جمادی الاولیٰ ۱۳۲۹

پنجشنبہ

جزو عدد : ۹۴

میمون و وثائق رسمیه

تصویر افکارک مأمور تعطیل اولدینی کونلرده غزتهلر میمون نامنده برندن .
و وثائق رسمیه سرقتدن باحث تلغرافنامهلر نشر ایلدیلر . برقاچ کون صکرده
بوتلغرافنامهلرک شرح متونی اولمق اوزره غزته ستونلری اورویا و بالخاصه فرانسه
اوراق حوادشک نشریاتیلر طولمغه باشلدی . حالاده دوام ایدیلر .

میمون دینلان بو آدمی ، اسخنده کی قریت لفظیهدن طولای تسمماً (مایمون)
صورتسده تحریر ایتمک بزه مخصوص معرفتلدن اولدینی گبی ، هر هانکی
بحث وشخص حقنده اولورسه اولسون حقیقته واصل اولدن هراشیدیلان سوزه
قاعتسکارانه طرفدار کونمک دخی ینه بزه مخصوص ضرائب اخلاقیهدندر .

بو آدم کیمدر ؛ نمنک نه سیدر ؛ بورا ایله علاقه ومناسبتی نهدن عبارتدر .
ونهدن عبارت بولغش ایدی ؛ بورالزینی آکلامق و آکلادقدن صکرده خلقه
آکلامق لازم دکلیدی . فقط کیم تنزل ایدر !

ایشته اورتهده فرانسر حرفلریله بر (Maimon) لفظی وار . بوقرینه ایله
حربی مایمونه جویرمکده آسان . باخصوص حریف سرقت وثائق ایله مظنون ،
فرانسهده مظنوناً موقوف ، حتی سرسریلک ایلهده مشهور . آرتق بوندن ده
اوجوز سرمایه مقال اولورمی ؟ هله ایش عبدالحمید دورینه تعلق ایدنجه سیئات
اولین و آخرینی بویله بر حریفه یوکلتمکدن قولای نهوار !

تأسف اولنورکه الځدی مسائلده بیله بزده کی وسائط نشریات حاضره . الځ
حفتکارانه طاورانمقدمه در .

حال بوکه بو آدم اله کچیردیکی بیان اولنان و نائق ایله بزه بر بیوک خدمت
ایتمشدر، که آتی ، محروم وسائط اولان شمیدیکی نظارت خارجیه من دکل ، ۴۰ سنه
اولکی خارجیه نظارتیز آنجق استحصال ایده بیلیردی .



میمون دینلان بو آدم کیمدر ، وصحت اسمی نهدر ؟ ابتدا آتی ایضاح و تصحیح

ایده لم :

اولا موسیو میمون غالیچایی دکلدر . فلسطین اهالیسندن بر موسویدر . اسمی
ایسه (مبارک) معناسنه اولان (میمون) دکل ، محفوظ و مصون معناسنه (مأمون) در .
غایت فطین و شیطانہ چارینی ترس کیدر . جک مرتبه ده دساس اولان بو آدم ،
عهد شبابنده پروتستان میسیونر لرینک تشبثات تعصکارانه لرندن استفاده فکیرینه
دوشورک رسماً خریستیانانی قبول ایتمش و او سایه ده اولا سرمایه صرفان استحصاله
موفق اولمشدر . فصیح انگلیزجه ، آلمانجه ، فرانسزجه ، ایتالیانجه ، اسپانیولجه
تکلم و تحریر ایدر . عربجه سی ده ایشی تسهیل ایده بیله جک درجه ده در . (عبرانی) ده
دخی تورات و طالموتدن استخراج مال ایده جک قدر بهره سی واردر . (جهان نورد)
اطلاق اولنه بیله جک راده ده سیاحتله دنیایی طولاشمشدر . نه عراقی براقش ، نه
مصری . نه ده اوروپانک بلاد مشهوره سی . هر زرهه کیتمشه کندیسینی حسن قبوله
سزاوار بر صاحب علم و کمال صورتنده گوسترمش ، چونکه سرمایه عرفانی ، زوال-
ناپذیر بر مرتبه ده اولدیغندن ، هیچ بر زمان آندن زبان اتمیه جکندن امین بولمشدر .
مأمون ، بوندن اون درت سنه مقدم استانبوله کلش ایدی . اوتاریخده هامسون
سیواس نیموربولی امتیازی استدا ایدن (قوت قانیست) نامنه حرکت ایدیوردی .
دها اوزمان عبد الحمید ایله روسیه آرمه سنده بو خطه دائر اولان مقابوله عقد
ایلاماشدی .

بو (قونت قاپنیست) کیم ایدی؟ ایشته مأمونک ذکاونی بوراده پک مهم بر (رول) اوینامش.

قونت قاپنیست، روسیه ویانه سفیرینک مخدومی ایدی، بیوک برسرمایه دار، صاحب یسار برمتشبت کچی میدانہ جیقمشدی. فی الحقیقه آرقه سندنه برسرمایه. عظیم مہیای امری ایدی. (اتود) لر یاپدیرلدی، تکلیفلر ایدلدی. فقط معلوم اولان تردد حمیدی ایله هیچ برشی یاپیله مدی. یالکزر برشی یاپلدی، که اوده (صامسون سیواس) خطئی سلطنت سنیه کندی پارسه یله یاپه ماز ایسه، یایمق ایستیان اجنبی سرمایه دارلرینه ترجیحاً موسقوفلرک یایمسی ایدی. ایشته بونی مقاوله یه ربط ایدیردی.

بوسایه ده قونت قاپنیست، حکومتی نزدنده مظهر ممدوحیت عظما، مأمون دخی مهم مقدارده نائل عطایا اولدی.

مأمون آندن صکره (رت نیجر) نامنده کی انکلیز سندیکه سنه دلالت ایدبوردی: ایشته یورطه لوق ویا اسکندرون - بغداد خط کیری بوسندیکه نک تکلیف ایتدیکی تیمور یولدر.

بوخطک بغداد قدر اولان گذرکاهنک عبدالحمید برخریطه سی تقدیم اولنمشدی. که حقیقه بدایع نفیسه زمانه دن معدود بولنمشد. طولاً ایکی متره به قریب و عرضاً آلتش سانتیمتره اولان بوخریطه نک الوانی احجار ذی قیم ایله ترتیب اولنمشدی. خطوط، یاقوت پارچه لرله، طاغلر زمرد ایله، وادیلر، چوللر، صاری یاقوت، صاری پرلانطه، و نهرلر کوک یاقوتله ترسیم ایدلشدی. یالکزر بونک اعمالی ایچون سندیکه ۱۰ بیک انکلیز لیراسی صرف ایتمشد. (الیوم بوخریطه نروده در؟ البته ییلدیزده اولوق لازم کلیر.)

مأمون، عبدالحمید ایله ایکی دفعه کورشمشد. مدایح ملوک حقننه انشاد ایدلمش ابیات عربیه نک اک پارلاقلرخی زاده طبعی کچی حضورده ایراد ایتمش و احتمال که ابوالهدی ویا عزت پاشا ترجمه ایتلشد. چونکه بومدحیه لر دن عبدالحمید فوق العاده منبسط اولمشد.

مأمون بوسیله دهن انتهازاً عبدالحمیدك ضعفندن استفاده ایلشدی. دیپلوماتلرك عثمانلی سلطنتی حقهده کی ضمائرینی تحقیق و عرض ایتك خصوصنی در عهده ایلدی. مأمونه گوره اك قولای شی بوایدی. چونكه هرگونگی استخباراتی ایستدیگی شكله قویق و او شكلی ایلدهده عبد الحمیدی اغفال ایتك آنك عندنده اسهل امور ایدی.

اوكوندن صكره ییلدیزك. انك خاص الخاص منتسبینه مخصوص اولان ابواب منافی مأمون ایچون كشاده بولمیشدر. ایستدیگی زمان. قراندن اك مقبول و محرم سرار اولاندرك زردینه کیدر؛ مستخبرات ایله موضع مخترعاتی عرض و تقریر ایدردی.

مأمونك مجلس معارف اعضالفته تعیین ایدلمش اولدیفته دائر غزته لرمزك نقل ایتدكاری روایت. تمامیه یالان اولدینی گبی، عبدالحمیده اوروپادن (قاری) جلب و تقدیم ایتدیگی حقهده کی (معلومات) دخی صرف اختراعات کاذبه دنددر.

مأمون هر درلو سیئه بی، اخلاق فرسا هر سقیمینی ارتکاب ایده بیلیر بر آدم اولقله برابر، مزیت شكن اولان بویله بر رذیله ایله عبدالحمیدك زنده کی قیمت ذاتیه سنی نقص و اخلاص ایده جك فعلی ارتکاب ایتماشدر. ذاتاً یقیندن طانیسانلر عبدالحمیدك بویله برخده تی کیمسه یه تودیع، حتی تکلیف ایتیه جك قدر نراحت. عقیقانه التزام ایلدیگنی تصدیق ایدرلر. مأمون ایسه بویله بر شائبه رذیلانه ایله قدرینی کوچولتمك سر سملکنده بولمغه محتاج دکلدی.

خصوصاً عبدالحمید، مدت سلطنتنده اوروپادن دکل، هیچ بر یردن عرف و عادت خارچنده مایینه قاری جلب ایتماشدر.

بیك درلو فضایل و مظالمی بی پروا فقط معاونین ظلمك تداییرله اجرادن کیروطور میان عبدالحمید، بوخصوصده جداً عقیف و پرهیزکار کوریمك پولتیقه سنده شدتله دوام ایتماشدر.

ذاتاً آکا نه احتیاجی واردی؛ حر مسراپی بیك بر کیجه مصاللرینی تنظیر ایده جك برحاله دکلیدی؟



برنار مأمون



اوراق سیاسیه سبرقتی مسئلہ سندنہ ذیمدخل اولان
فرانسہ خارجیہ نظارتی کتیبہ سندن
رہنہ رونہ

حاصلی نه مأمون بو خدمتده بولمشد . نهده عبدالحمید بویله بر خدمته بیان آرزو ایدم جک قدر احق ایدی .

*

مأمونک و نائق سیاسیہ ویا اوراق سرار آلود اله کجیر مکده کی مهارتی جدا شایان حیرت معرفتدندر .

بو آدمک یاره قزاق بولنده کوستردیکی اسماک ، مقصدینه وصول ایچون اختیار ایتدیکی فداکارلغه نسبتله پک حقیف قالیر .

واقعا یوفداکارقلری اختیاری صرف تأمین استفاده مقصدیلده در . فقط مأمون ، استفاده تقدیه ایله برابر استزاده شرف و شهرتی هر شینه ترجیح ایدر .

بو کونکی کونده مأمون دیلرده داستان اولمشد . آنک ایچون غایه مقصد و آمال بو ایدی . بو آنک بر (ایدم آل) ی ایدی . موفق اولدی .

مأمون (اونیغ تأیس) ده کی نشر یاننده بولنماش اولسه ایدی ، عجبا بزم خارجیہ نظارتمز (پوتسدام ملاقاتی) اسرارینه هانکی واسطه ایله مطلع اوله . بیلوردی ؟ حتی عالم سیاست بیله بو مسئلهده مأمونه مدیون منتدر ، چونکه خزینہ لر صرفیه قابل اطلاع اولمیان بر حقیقت بوسایهده منکشف اولمشد .

مأمونک بزم نظارتلردن در جز و دان ایلدیکی و نائق هر نه اولورسه اولسون ، پوتسدام ملاقاتنه عائد اولان اوراقک یاننده هیچ بر قیمت و اهمیت افهام ایدمیه جک قدر حقیردر .

واقعا مسئله نک اهمیتی اوراقک قیمتده دکل ، اسرار حکومتک بیانچی اللرم کچمه سندهدر .

دول منتظمهجه بو مقوله اوراقک ، حفظنده کوستریلان اعتابیه رغماً آنلری اله کچورمکه مصروف اولان و سائطدن ینه مصون قالماقده اولمری دوشونیلجه جک اولورسه ، آرتق بزم مهم عد ایتدیکمز و فقط هیچ بر وقت حفظنده التزام اهمیت ایتدیکمز اوراقک هراستیانک اله کچه بیله جکنده شبهه ایدلما ملیدر .

ابوالضیا

